



REGISTRO XERAL DA XUNTA DE GALICIA
REGISTRO ELECTRÓNICO

Saída 216555 / RX 350498

Data 05/03/2020 08:41:17



NOTIFICACIÓN DA RESOLUCIÓN DO 4 DE MARZO DE 2020, DA DIRECCIÓN XERAL DE PATRIMONIO NATURAL, DUNHA SOLICITUDE DE ACCESO Á INFORMACIÓN AMBIENTAL REALIZADA POR [REDACTED]

De conformidade co artigo 40 e concordantes da Lei 39/2015, do 1 de outubro, de Procedemento Administrativo Común das Administracións Públicas, notifícolle que con data do 4 de marzo de 2020, a Directora Xeral de Patrimonio Natural dítou unha resolución co texto íntegro seguinte:

"

PROCEDEMENTO: ACCESO Á INFORMACIÓN AMBIENTAL	
Expediente	IAB-006/2020
Solicitante	[REDACTED] (NIF: [REDACTED])
Entidade	ADEGA -ASOCIACIÓN PARA A DEFENSA ECOLÓXICA DE GALIZA ([REDACTED])
Enderezo a efectos de notificación	[REDACTED]

ANTECEDENTES

- Con data do 17.02.2020 tivo entrada no rexistro electrónico da Xunta de Galicia (rexistro de entrada 2020/348449) un escrito presentado por [REDACTED], en representación de ADEGA ([REDACTED]) mediante o que solicita á Dirección Xeral de Patrimonio Natural acceso á información ambiental sobre a procedencia do exemplar femia de lobo recollido en Quintela de Leirado (Ourense), resultados da investigación e circunstancias sobre como o exemplar chegou á propiedade na que foi comisada e coñecer as medidas adoptadas para salvagardar a pureza da especie fronte á hibridación con cans domésticos e os casos nos que se interveu nos últimos 4 anos.

CONSIDERACIÓNS LEGAIS E TÉCNICAS

- A Lei 27/2006, do 18 de xullo, pola que se regulan os dereitos de acceso á información, de participación pública e de acceso á xustiza en materia de ambiente (incorpora as Directivas 2003/4/



CE e 2003/35/CE) define a información ambiental como toda información en forma escrita, visual, sonora, electrónica ou en calquera outra forma que verse sobre distintas cuestións, entre elas o estado dos elementos do ambiente, como o aire e a atmosfera, a auga, o solo, a terra, as paisaxes e espazos naturais, incluídos as zonas húmidas e as zonas marifias e costeiras, a diversidade biolóxica e os seus compoñentes, incluídos os organismos modificados xeneticamente; e a interacción entre estes elementos.

- II. Esa mesma lei regula no seu Capítulo III do Título II o acceso á información ambiental logo de solicitude. O artigo 10 deste capítulo establece que as solicitudes de información ambiental deberanse dirixir á autoridade pública competente para resolvelas e tramitaranse de acordo cos procedementos que se establezan para o efecto, e que se entenderá por autoridade pública competente para resolver unha solicitude de información ambiental aquela en cuxo poder figura a información solicitada, directamente ou a través doutros suxeitos que a posúan no seu nome.
- III. Parte da solicitude encádrase dentro das causas de excepción á obriga de facilitar a información ambiental por parte das autoridades públicas descritas no artigo 13 da Lei 27/2006, do 18 de xullo, porque se considera que a revelación da información solicitada pode afectar negativamente a calquera dos extremos que se enumeran no punto 2 dese artigo: *"A causas ou asuntos suxeitos a procedemento xudicial ou en trámite ante os tribunais, ao dereito de tutela xudicial efectiva ou á capacidade para realizar unha investigación de índole penal o disciplinaria."*
- IV. A Lei 1/2016, do 18 de xaneiro, de transparencia e bo goberno establece no seu artigo 25 que o dereito de acceso á información pública só poderá ser limitado ou denegado nos supostos previstos na normativa básica. Engade, ademais, que naqueles casos nos que a aplicación dalgunha limitación non afecte á totalidade da información, e sempre que sexa posible, concederáse o acceso parcial, omitindo a información afectada pola limitación, agás que a información resultante sexa equívoca ou carente de sentido.
- V. A solicitude non se atopa dentro das causas de non admisión recollidas no artigo 18 da Lei 19/2013, do 9 de decembro, de transparencia, acceso á información pública e bo goberno.
- VI. Con data do 04.03.2020, o Servizo de Conservación da Biodiversidade da Dirección Xeral de Patrimonio Natural emitiu un informe sobre a solicitude de información pública, no que se conclúe que se atopa entre os supostos previstos na Lei 19/2013, do 9 de decembro, polo que propón a admisión da solicitude recibida e dar traslado da parte da información solicitada que non se refira a *"causas ou asuntos suxeitos a procedemento xudicial ou en trámite ante os tribunais, ao dereito de tutela xudicial efectiva ou á capacidade para realizar unha investigación de índole penal o disciplinaria."*
- VII. Este expediente foi tramitado conforme ao disposto na Lei 39/2015, do 1 de outubro, de Procedemento Administrativo Común das Administracións Públicas.





VIII. A competencia para a resolución destes procedementos corresponde á directora xeral de Patrimonio Natural, de conformidade co disposto no Decreto 88/2018, do 26 de setembro, polo que se establece a estrutura orgánica da Xunta de Galicia, no Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia e o Decreto 42/2019, do 28 de marzo, polo que se establece a estrutura orgánica da Consellería de Medio Ambiente, Territorio e Vivenda.

Por todo o exposto, **RESOLVO**

Primeiro. Admitir a solicitude de información pública presentada por [REDACTED] o 17.02.2020, ao atoparse entre os supostos recollidos na previstos na Lei 19/2013, do 9 de decembro.

Segundo. Dar acceso á parte da información pública propiedade da Xunta de Galicia que non se refire a "*causas ou asuntos suxeitos a procedemento xudicial ou en trámite ante os tribunais, ao dereito de tutela xudicial efectiva ou á capacidade para realizar unha investigación de índole penal o disciplinaria.*":

a) En relación coa procedencia do exemplar femia de lobo: Para poder determinar o perfil xenético e a asignación a unha poboación do exemplar femia recollido en Quintela de Leirado (Ourense) foron enviadas mostras ao Centro de Investigación en Biodiversidade e Recursos Genéticos da Universidade de Porto (CIBIO) estando aínda pendentes de recibirse os resultados.

b) En canto ás medidas adoptadas para salvagardar a pureza da especie fronte á hibridación con cans domésticos e os casos nos que se interveu nos últimos 4 anos:

- Envío de mostras a CIBIO (Centro de Investigación en Biodiversidade e Recursos Genéticos, Universidade de Porto) para a identificación do perfil xenético e asignación de poboación daqueles exemplares sobre os que fenotípicamente se presentaron e presentan dúbidas.

- Cesión de mostras de cadáveres de exemplares de lobo á Estación Biolóxica de Doñana para a realización dun estudo destinado a coñecer a historia evolutiva dos lobos na Península Ibérica mediante a secuenciación do seu xenoma que permitirá coñecer: grao de fragmentación da poboación, frecuencia da hibridación con cans no pasado e na actualidade, cambios no tamaño da poboación, niveis de endogamia,....

- No supostos dos exemplares que son identificados como híbridos actúase de conformidade co disposto no Real decreto 630/2013, do 2 de agosto, polo que se regula o Catálogo español de especies exóticas invasoras; Lei 42/2007, do 13 de decembro, do patrimonio natural e da biodiversidade e na Lei 5/2009, do 2 de agosto, de patrimonio natural e da biodiversidade de Galicia.





Cos seguintes condicionantes:

- I. Esta autorización será persoal e intransferible.
- II. Non se autorizará a difusión e a cesión a terceiros da información achegada, sen a autorización expresa da Dirección Xeral de Patrimonio Natural.
- III. Esta autorización expedirase no ámbito de competencias da Dirección Xeral de Patrimonio Natural, e non eximirá á persoa interesada de calquera outra autorización ou obriga que poida ser necesaria para a realización das actuacións e do cumprimento doutras disposicións establecidas pola normativa sectorial correspondente.

Contra esta resolución, que non finaliza a vía administrativa, poderá interpoñerse un recurso de alzada ante a conselleira de Medio Ambiente, Territorio e Vivenda, no prazo dun mes, contado a partir do día seguinte ao da súa notificación, de conformidade cos artigos 121 e 122 da Lei 39/2015, do 1 de outubro, de Procedemento Administrativo Común das Administracións Públicas.”

Santiago de Compostela, 4 de marzo de 2020.

A subdirectora xeral de Biodiversidade e de Recursos Cinexéticos e Piscícolas

